

"Тәуелсіздік Мемлекеттер Достастығына қатысушы мемлекеттер экономикасының, әскери және қайырымдылық тасымалдауларының мұқтаждары үшін көлік коммуникациялары желілерін пайдалану және дамыту туралы келісімді бекіту туралы" Қазақстан Республикасы Заңының жобасы туралы

Қазақстан Республикасы Үкіметінің 2003 жылғы 15 тамыздағы N 818 қаулысы

Қазақстан Республикасының Үкіметі қаулы етеді:

"Тәуелсіз Мемлекеттер Достастығына қатысушы мемлекеттер экономикасының, әскери және қайырымдылық тасымалдауларының мұқтаждары үшін көлік коммуникациялары желілерін пайдалану және дамыту туралы келісімді бекіту туралы" Қазақстан Республикасы Заңының жобасы Қазақстан Республикасы Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы Тәуелсіз Мемлекеттер Достастығына қатысушы мемлекеттер экономикасының, әскери және қайырымдылық тасымалдауларының мұқтаждары үшін көлік коммуникациялары желілерін пайдалану және дамыту туралы келісімді бекіту туралы

2001 жылғы 31 мамырда Минск қаласында жасалған Тәуелсіз Мемлекеттер Достастығына қатысушы мемлекеттер экономикасының, әскери және қайырымдылық тасымалдауларының мұқтаждары үшін көлік коммуникациялары желілерін пайдалану және дамыту туралы келісім бекітілсін.

Қ а з а қ с т а н Р е с п у б л и к а с ы н ы ң

Президенті

Р е с м и

т ү р д е

куәландырылған мәтін

Тәуелсіз Мемлекеттер Достастығына қатысушы мемлекеттер экономикасының, әскери және гуманитарлық тасымалдауларының мұқтаждары үшін көлік коммуникациялары желілерін

пайдалану және дамыту туралы

Келісім

Бұдан әрі Тараптар деп аталатын осы Келісімге қатысушы мемлекеттердің ү к і м е т т е р і ,

Тәуелсіз Мемлекеттер Достастығына қатысушы мемлекеттер экономикасының, әскери және гуманитарлық тасымалдауларының мұқтаждары үшін көлік коммуникациялары желілерін пайдалану және дамыту жөніндегі келісілген іс-қимылдардың объективті қажеттілігін сезіне отырып, төмендегілер туралы келісті:

1-бап

Тараптар мемлекеттері көлік коммуникацияларының желісі деп қызмет етуі олардың ұлттық заңнамасының негізінде жүзеге асырылатын, Тараптар мемлекеттері аумақтарындағы әртүрлі көлік түрлерінің өзара байланысты қатынас жолдарының ж и ы н т ы ғы т ү с і н і л е д і .

Осы Келісімнің мақсаттары үшін төмендегі көрсетілген терминдердің мынадай м а ғ ы н а с ы б а р :

әскери тасымалдаулар - әскерлердің, командалардың, жеке әскери қызметшілердің, сондай-ақ әскери жүктердің көліктің әр түрін пайдалана отырып бір ауданнан (пункттен) басқасына жылжуы. Ауқымы бойынша тасымалдаулар - стратегиялық, жедел және тактикалық; мазмұны, мақсаты және тағайындалуы бойынша - адам тасымалдайтын, жұмылдыру, жедел, жабдықтаушы және эвакуациялық; көлік түрлері бойынша - темір жол, су (теңіз және өзен), әуе, автомобиль және құрастырылған болуы м ү м к і н ;

гуманитарлық тасымалдаулар - төтенше жағдай нәтижесінде зардап шеккендерге көмек көрсету шеңберінде жүктерді және адамдарды тасымалдау, адамдардың өмірін қорғауға және денсаулығын сақтауға, қоршаған табиғи ортаға келтірілген залалдың және материалдық шығындардың көлемін төмендетуге, төтенше жағдай аймағын шектеуге және оған тән қауіпті факторлардың әсерін жоюға бағытталған апаттық-құтқару және басқа да шұғыл жұмыстарды жүргізуге, сондай-ақ гуманитарлық көмекті жеткізу жөніндегі операцияларды жүргізуге және эвакуациялық іс-шараларды жүзеге асыру шеңберінде мемлекетке көмек көрсету;

төтенше жағдайлар - Тараптар мемлекеттерінің белгілі бір аумағында адам шығындарына, адамдардың денсаулығына немесе қоршаған табиғи ортаға зиян келтіруіне, елеулі материалдық шығындарға және адамдардың тіршілік әрекеті жағдайларының бұзылуына әкеліп соққан немесе әкеліп соғуы мүмкін апат, қауіпті табиғи құбылыс, опат, табиғи немесе өзге де апат нәтижесінде қалыптасқан жағдай;

қатынас жолдарын техникалық бүркемелеу - бейбіт және соғыс уақытында қатынас жолдарында қираудан кейін тез жұмыс істеуін және қалпына келуін қамтамасыз ету мақсатында жүргізілетін арнайы іс-шаралар кешені. Техникалық бүркемелеуге темір жол мен автомобиль жолдарының тораптары, көпірден өту жолдары, тоннельдер, теңіз және өзен айлақтары, ішкі су жолдарындағы гидротехникалық құрылыстар, көлік авиациясын орналастыру әуеайлақтары, далалық магистральдық және стационарлық құбырлар, ал қажет болса - басқа да көлік объектілері жатады.

2-бап

Тараптар мемлекеттері экономикасының, әскери және гуманитарлық тасымалдауларының мұқтаждары үшін, сондай-ақ табиғи және техногендік сипаттағы төтенше жағдайлардың алдын алу және жою мақсатында қарулы қақтығыстар, төтенше жағдайлар және табиғи апаттар туындаған кезде кейбіреулері басым болып табылатын көлік коммуникацияларының желісі пайдаланылады.

Тараптар мемлекеттері экономикасының, әскери және гуманитарлық тасымалдауларының мұқтаждары үшін, сондай-ақ табиғи және техногендік сипаттағы төтенше жағдайлардың алдын алу және жою мақсатындағы Тараптардың тиісті органдары әзірлеген басым көлік коммуникацияларының тізілімін Тәуелсіз Мемлекеттер Достастығы үкіметтері басшыларының Кеңесі бекітеді.

3-бап

Тараптар экономикасының, әскери және гуманитарлық тасымалдауларының мұқтаждарына тасымалдауларды қамтамасыз ету үшін Біріккен уақытша көлік комиссиясы арқылы қолда бар көлік коммуникацияларын пайдалануда және дамытуда күштерді үйлестіреді, оның құрамына өз қызметін Тәуелсіз Мемлекеттер Достастығына қатысушы мемлекеттердің Қорғаныс министрлері кеңесінің ұсынуы бойынша Тәуелсіз Мемлекеттер Достастығы үкіметтері басшыларының кеңесі бекітетін осы комиссия туралы Ереже негізінде жүзеге асыратын Тәуелсіз Мемлекеттер Достастығына қатысушы мемлекеттердің әскери ынтымақтастығын үйлестіру жөніндегі штабының, Жол қызметкерлерінің үкіметаралық кеңесінің, Авиация және әуе кеңістігін пайдалану жөніндегі кеңестің, Достастыққа қатысушы мемлекеттердің темір жол көлігі жөніндегі кеңестің өкілдері кіреді.

4-бап

Тараптар оларға қойылатын әскери-техникалық талаптарға сәйкес ұсталуын, жөнделуін, дамыту мен техникалық бүркемеленуін мемлекеттік қаржыландыруды қоса

алғанда өз мемлекеттерінің аумағында көлік коммуникациялары желілерін жұмыс жағдайында ұстауды қамтамасыз етеді.

5-бап

Осы Келісім Тараптардың олар қатысушысы болып табылатын, бұдан бұрын қол қойылған, соның ішінде Тараптар арасында жасалған басқа да халықаралық шарттары мен келісімдерінен туындайтын құқықтары мен міндеттемелеріне нұқсан келтірмейді және осы келісімді орындауға шарттары қайшы келмейтін басқа да халықаралық шарттарды жасасуға кедергі жасамайды.

6-бап

Осы Келісім оның күшіне енуі үшін қажетті мемлекетішілік рәсімдерді оған қол қойған Тараптардың орындағаны туралы үшінші хабарламаны депозитарийге сақтауға тапсырған сәттен бастап күшіне енеді.

Мемлекетішілік рәсімдерді кешірек орындаған Тарап үшін Келісім тиісті құжаттарды депозитарийге тапсырған күннен бастап күшіне енеді.

7-бап

Осы Келісімге Тараптардың өзара келісімі бойынша оның ажырамас бөлігі болып табылатын жекелеген хаттамалармен ресімделетін және осы Келісімнің 6-бабында көзделген тәртіппен күшіне енетін өзгерістер мен толықтырулар енгізілуі мүмкін.

8-бап

Осы Келісімді қолданумен немесе түсіндірумен байланысты даулы мәселелер мүдделі Тараптардың консультациялары мен келіссөздері арқылы шешіледі.

9-бап

Осы Келісім 10 жыл мерзімге жасалды және егер Тараптар өзге шешім қабылдаса келесі бес жылдық мерзімге автоматты түрде ұзартылады.

Әрбір Тарап болжанған шығу күніне дейінгі алты айдан кешіктірмей депозитарийге бұл туралы жазбаша хабарлама жібере отырып осы Келісімнен шыға алады.

10-бап

Осы Келісім осындай қосылу туралы құжаттарды депозитарийге тапсыру жолымен барлық Тараптардың келісуі бойынша оның мақсаттары мен міндеттерін бөлісетін басқа мемлекеттердің оған қосылуы үшін ашық.

Осы Келісім қосылған мемлекеттер үшін депозитарийлердің Тараптардың осындай қосылуға келісімі туралы соңғы хабарламасын алған күнінен бастап күшіне енеді.

Минск қаласында 2001 жылғы 31 мамырда орыс тілінде бір түпнұсқа данада жасалды. Түпнұсқа дана Тәуелсіз Мемлекеттер Достастығының Атқарушы комитетінде сақталады, ол осы Келісімге қол қойған мемлекеттің әрқайсысына оның қуәландырылған көшірмесін жібереді.

Әзербайжан Республикасының

Үкіметі үшін

Үкіметі үшін

Армения Республикасының

Үкіметі үшін

Үкіметі үшін

Беларусь Республикасының

Үкіметі үшін

Үкіметі үшін

Грузия Республикасының

Үкіметі үшін

Үкіметі үшін

Қазақстан Республикасының

Үкіметі үшін

Үкіметі үшін

Қырғыз Республикасының

Үкіметі үшін

Үкіметі үшін

Молдова Республикасының

Ресей Федерациясының

Тәжікстан Республикасының

Түркменстан Республикасының

Өзбекстан Республикасының

Украина Республикасының